

QUÆSTIO MEDICO-CHIRURGICA,

QUOD LIBETARIIS DISPUTATIONIBUS,

manè discutienda, in Scholis Medicorum, die Jovis vigesimo-sexto
Februarii, anno M. DCC. L.

M. JOSEPHO DE JUSSIEU, Regiæ Scientiarum Aca-
demiæ Socio, Doctore Medico, Præside.

An à Ligaturâ Polypi narium tuior Curatio?

I.



DEFORMIS incommodusque tumor narium cavitatem quandoque infestat, Polypum antiqui recentioresque Medici nuncupant. Congruatne à radicem ejus cum multiplici pedum numero petita comparatio, Philologorum est inquirere: præstat tumoris speciem, naturam curationemque diligentius quam clymon dignoscere. Primum oculis se mole modò majorem præbet, exiguum, amplioremve in narium locum occupans; color huic albicans, rubicundus, plumbeo-livescens; substantia mollis, firmior, aut scirrhusa, vel ad Œdema, vel ad Sarcoma, vel ad Carcinoma refertur; forma vel pyrum petiolo suffultum, vel cavitatem in quâ concrevit, huic sese aptando, exprimit, eaque parte quâ membrana pituitosa hinc illinc expansa potius quam cartilaginibus aut ossibus adhæret, vel latâ basi protuberans, vel pyri instar petioli adminiculo pendulus incrementum suscipit. Quis verò hospitis inimici in unâ sæpius, quandoque in geminâ nare nidulantis incommoda enaret? olfactus sensum ex exquisitissimo hebetem redditum, inspirationis expirationisque libertatem oppressam, ingratum loquelæ sonum, graveolentem stagnantis pituitæ aut fetidum puris ex aperto tumore stillantis odorem omnibus teterimum. Quid si præterea partium solidarum læsionem spectes? hæc nimirum tumore circumscripti impatienter coarctantur, qui ad eò interdum luxuriat, ut pendulus antrosum indecorè se præbeat, aut ad oris fundum retrorsum prolapsus suffocationis metum incutiat? Quid si nimirum dilatatis narium claustris, non sine gravi organi fabricæ damno, & ipsorum, quibus cavitates efformatur, ossium compaginis dissolutione, extrorsum latius aliquando serpat, faciemque (*) turpiter peragat? incommodo ac dedecori nonnumquam dolor additus, gravans ac pungens pro variâ mali indole certam curationem postulat; reddendus simul faciei decor, ac restituenda odoratus, respirations & loquelæ facilitas; quâ arte, quibus instrumentis, quibus cautionibus rem exequaris, hoc opus, hic labor est.

I I.

POLYPI originem quæris? à parvo in membranâ pituitosâ tuberculo exortus, in modum fungi petiolo innixus crescit, & molem amplam sensim acquirit, at latiori basi donatus, vel multiplici radice annexus in tumorem prominet; illic unam aut alteram, ex copiosissimis glandulis, quibus internas nares obveliens membrana referta est, tumefactam accusat; hæc numerosiores glandulas textumque ferè totum membranæ perverso modo germinare deprehendes. Stagnat in glandularum vasis, aut pituitariæ membranæ textu, sanguis, humorve quilibet, en tibi proxima mali causa; hinc vasa distenduntur, distenta tonum amittunt, languidè resiliunt, sensim sine sensu humori appellenti cedunt, producuntur, aggeriturque intra vasorum parietes morâ lentescens humor, & circuitui perficiendo impar; lentorem humoris tumorisque molem auget productæ quâ continetur membranæ fibrarum inertia, à scaturiente quo illinuntur distendunturque mucos jugiter fota. Remotam habes polypi causam in uberiore sanguinis aut lymphæ ad membranam pituitariam impulsu, in viscidiori utriusque crassi & excretoriorum vasorum obstructione, hisque locum dabunt permulta hanc sanguinis humorumque illuviem, aut diathesin in nares inducentia, frequentes hæmorrhagiæ intempestivè sedate, hæmorrhoidum mensuumque suppressi fluxus, &c. Coryza, pituitariæ membranæ inflammatio, excoriatio vel levis, narium importuna sordescentibus digitis contrectatio, casus, ictus, & extraneum quicquid in cavitatum recessu nidulans, aut in ossium cartilaginumque substantiâ infixum hærebit, ea denique in membranâ pituitariâ disposita, quæ in fibrarum, vasorum glandularumque laxitate consistit, singula excrecentiæ polyposæ ansam præbent. Variant tumoris color, substantia, indoles pro humorum vitio vel causarum varietate; albicantem, mollem, indolentemque faciunt, serosi humoris quo constat visciditas &

(*) Job. 4.
Mecum Obi.
Chirurg. cap.
xi.

A

razior membrana pituitariae textus, productarum ejus fibrarum victa ductilitas. Eò intensius obscuriusve rubescet polypus firmiorque substantiâ donabitur, quò vividior, crassiorve sanguine vasâ infarcientur; si ob distentos venosâ sanguine ramulos varicosa fiat membrana pituitaria, Polypi formam æmulabitur, nunc crescens, nunc decrescens, interdum cruorem fundens, non Lunæ phasium consensu ut sinxerunt quidam, sed pro vario plethoræ gradu. Sin crassiore lymphâ turget per fluidarum partium ex morâ dissipationem, aut imprudentem stypticorum absorbentiumve applicationem, in schirrhum evadit: sic & qui prius benigna fuerat indolis tumor, mutatâ sanguinis & lymphæ crassi, principis eorum salino acido-corrosivis evolutis, & rigide vasorum parietes pungentibus, aut irritantum, escharoticorum inausulto usu exandescens, carcinodes fit colore lividus, durus, acerbè excrecians. Cum demùm sanguis aut lymphâ trifumofo, scorbutico, venereoque intingitur viru, aut aliâ contractâ labe inquinatur, eodem vicio tumor inficitur, novas germinandi vires haurit, nullis, nisi destructo prius contagio veneno, remediis cessurus. Polypum benignum facili, altis verò radicibus latè expansis hærentem, gravioribusque stipatum symptomatis difficilè attingas, carcinodem omninò tentare nefas.

I I I.

VARIAM in narium cavitate Polypi sedem vestigare, instrumenta, medicamenta, morbo convenientia, internæ structuræ accommodata, eligere, electa dirigere abstineat Medicus, nisi penitus seduloque perspecta prius innovetur organi fabrica, nonnisi scrupulose anatomæ * ope obtinenda. Hæc prælucens facie latentis morbi genium, auxiliorum armaturam, tutioremque administrandorum viam assequeris. Efformatur ex plurimum ossium & cartilaginum coagmentatione nasi gemina cavitas; hanc sepimento distinctam nares internas vocant; externæ patent, nares externas; ad lacunar faucium posterioriùs protensas, nares posteriores. Mediam superiorem & maximam hujus cavitatis partem os Ethmoides occupat; cellularum diverticulorumque apparatu insigne, tenellulis ossis lamellis conflatum totumque fragile: hujus basin constituunt ossa turbinata superiora, inferius ossibus maxillariis & palatinis annexa prodeunt inferiora. Infernè latior rectaque à naribus externis ad nares posteriores via datur, adeò supernè arcuata, ut vix septum inter & ossa turbinata superiora atque spongiosum Ethmoidis corpus unius linear superfit intervallum; isthmus dicitur. Lamina ex ossis Ethmoidis tabulato criboso descendens anteriùs, vomer verò posteriùs, septum narium absolvunt. Varii in naribus aperiuntur sinus, maxillares ad latera, ossa turbinata superiora inter & inferiora, ponè sacum lachrymalem; hiant deorsum frontales supra orbitas extensi, & cum cellulis Ethmoidis communicant, dehiscunt verò antrosum sphenoidales sub Ephippio latentes, ponè ossa turbinata superiora. Anfractus, cellulas & narium sinus obvestit internè membrana pituitaria dicta, immediatè periosseo & perichondrio superstrata, vesiculari textu donata; ad nares externas tenuior, cuti & cuticula confundi videtur, circa septum in parte infernâ narium atque circa ossa turbinata crassior, spongiosior, villis tenuissimis, confertissimis superficie tenui obsita, punctis glandulosis ubique referta; vasa excretoria præsertim in septo, & turbinatorum ossium parte antequam dehiscant, longum sinusumque priùs iter emittunt: Polypi in hac membrana pituitariæ parte præ cæteris adnascendi occasio. Muco per secretionem undequaque stillante continenter irroratur, humoris, qui oculorum superficiei lubricandæ destinatur, residua partis quæ per puncta lachrymalia, hinc per sacum ductumque lachrymalem advehitur, stillicidio subjacet; aperitur enim ductus ille in cavitate narium ponè ossa turbinata inferiora: tandem expirans jugiter humida ex pulmonibus aura varios narium recessus percurrendo, pituitariam membranam madefacit. Sanguinem hæc membrana ab arteriæ maxillaris ramificationibus accipit, revehunt ramificationes jugularis externæ. Nervos præcipue olfactorios obtinet; hi sunt filamenta involucri à dura piaque matre mutuo obvestita, quæ per foraminula ossis cribrosi seu transversalis Ethmoidis lamina cranio egressa, in villosam membranæ pituitariæ partem expanduntur. Oriundus ab ophthalmico ramulus filamentum dimittit quod cranium per foramen orbitale internum dicitur repeti, mox unâ cum filamento nervi olfactorii exit iterum, ut in membranam pituitariam desinat, alter denique ramulus à maxillari superiori nervo qui cum intercostali communem habet suppedatus, ad posteriores nares progressus supra ossa turbinata & cæteras narium internarum partes dispergitur. Hoc nervorum apparatus membrana pituitaria instructa odoriferorum impressiones percipit, cum oculorum membranæ, & respirationis instrumentis mutuum fœdus servat. Qui variam Polypi naturam, sedem, Ethmoidis fragilem structuram, narium ambages, cerebri proximitatem, membranæ obvestientis textum, indolè, sensum exquisitum, nervorum, vasorum exortum, copiam, distributiones noverit, non diu hæretic in deligendâ ceteriori operandi methodo.

* Clariss.
H. inflow,
Expef. Anat.

JAM si te ad tumoris exstirpationem accingas, è triplici qui se se offert modo, sectione nimirum, avulsione, aut consumptione, quemnam antepones? Primus instrumento folii Myrtini formam referente utrinque secante, vel cultello ad extremum in faucem, aut secantem semicirculum formato, tentatur; hoc ad mali radices strenuè perlato, illas salvis cartilagine ossèque abscindunt, abscessumque Polypi corpus hamulo vel forcepe foras extrahunt, vel repetitis vicibus sectionem absolvunt, usque dum liberior fiat aëris per nares exspiratio. At methodum insidam, dirigendi per cœca loca instrumenti difficultas, subsequensque nec facilè sistenda hæmorrhagia nonne satis arguunt? Avulsionem qui malunt, vel Polypum forcepe apprehendunt, movent huc illuc, donec paulatim distractum aut integrum aut per frustula penitus evellant, vel apprehensi distortionem continuâ adhesiones dilacerant; sed heu crudeliter susceptæ curationis damna, quantò longius morbi incommoda superant! violentius enim divulsâ extensili pituitariâ meninge, sequitur nonnunquam Ethmoidis denudatio, filamentorum olfactorii nervi proximè ad originem diarrheis, sanguinis è ruptis vasis profluvium, fœdum putidum ulcus ozæna, caries denudata ossa consumens, novaque pejor prioris Polypi ab excoriatione germinatio. Haud felicior est illius ad consumptionem escharoticorum aut actualis cauterii applicatio, dum Escharotica specillo, turundave ad tumorem deferunt, vel per cannulam argentæam ad Polypum ejusque radices directam intromisso crure cauterii actualis, pertingit cannulæ extremum, partem deunt. Periculosa quidem plena alex operatio in quâ cum nec sciat Chirurgus quam narium partem attingat, nec moveat instrumentum, suæ imprudentis fiduciæ brevi pœnas luet æger, labyrinthorum Ethmoidis destructione, læsione septi, vicinarum partium exustione ac irritamento, inflammatione demùm cerebro communicatâ. Tumoris potiùs ligatione palmam consequeris, seu altis seu apparentibus ille radicibus adhaereat, mole parvum, & petiolo tereci appendum facilè, magnum & latiori basi protuberantem difficiliùs stringes hæc methodo: ægro in sellâ brachii dorsoque mobili instructâ colloca, caput retrorsum inclinatum firma, per nares externas forcipis non incisoriæ crura immitte, diductis cruribus Polypum arripere, atque tum leniter foras trahere, quantum substantiæ mollioris permittit; forcepe hoc in situ manente, filum ceratum, quàm altè fieri potest, suprà partem foras deductam religandum injice, duplici modo constringe; novæ, si possit illæsa attrahi, prodeunt Polypi parti alterum filum superius injice, tum vel totum opus naturæ conamini committe, vel forcice scalpellove portionem tumoris insitè deligatum filum adime, sensim enim Polypus intercepto humorum appulsu, per compressionem solito defraudatus pabulo, à superioribus partibus disjunctus, emortuus intrâ 8 vel 9 dierum spatium excidet. Polypum verò in fundo oris pendulum, vel in aliquocumque difficiliori recessu latentem religare propius ad originem gestienti; instrumento, curracem laqueum altè deferente, tibi opus erit quodque arctius constringendi atque extrorsum trahendi facultatem tibi ministret. Illud sit ad specilli formam fabricatum, pomulo oculato ad extremitatem donatum, incurvum; brevis longiusve pro tumoris propiore altioreve situ, firmum ac solidum; sic tamen ut angustos narium marandros absque læsionis metu penetreret: per rimam pomuli oculati filum ceratum quod extremitate ansulam curraci laqueo comprehensam gesserit transfigere, dein simul ac pomulum naribus inditur, tumori inducas laqueum, alioque specillo laqueum circumcirca ita temperes, ut dum pomulum altius adigitur, is tumorem æqualiter ambiens semper ascendat, quoad reniti pomulo quid sentiat; tum fili extremitatem pendulam trahas; nodoque pomuli oculati ope firmato, specillum illud pomulo donatum eduas, quod per totum curationis tempus singulis diebus rursus indendum erit, ut filo per rimam pomuli transacto laqueum magis ac magis constringas, quoad tumor oblietetur. Quicumque utroque in casu utaris ligatione, absque cruciatibus, salvis omnibus vicinis partibus, & sine labentis in stomachum crutoris incommodo rem feliciter absolves.

V.

QUAMVIS internæ narium structuræ conservationi, Polypi ligandi methodas melius quàm alia quævis faveat, Pituitariæ membranæ excoriationi, nervorum & duræ matris appendicum divisioni, vasorumque turgescuntium rptioni occurrat, à recensitorum symptomatum levitie, agrum incolumem præstet, tumorique absque dolore compedes iniciat: hujus ope parùm te profecisse putes, nisi integram Polypi separationem radicibus obtinueris. Hæc autem methodo quin cam obtineas ne dubites. Hi nimirum ex eâ fructus perceptum erunt, tumoris lapsus non solum, sed etiam vasorum ligationis ope, mutata conditio, legitima circuitus norma in membranâ pituitariâ restituitur, & destructa illius vitiosè germinandi dispositio. Polypus enim vel petiolo pendulus, vel basi latâ

protuberans si pituitaria membranae adhærescat : debilitatum utroque in casu vasorum tonum, vasaque humoris aggressi mole distenta longiusque producta arguit. His compressis per injectum laqueum, sanguinis & humorum denegatur aditus, dum ad vicina & lateralialia copiosior liberiorque fit refluxus. Hæc ultima restituit ac crescente eorum elatere validiores oscillationum impetus exercent, & priora in quibus Polypus raditur jam flaccescientia tandem obliterant. Hinc licet exactè Polypi radices non comprehendat ligatura, dummodò maxima tumoris moles intercipiatur, integer tumor marcescet, morietur, ac decidet. Non aliter ad umbilicum funiculus pariterque ad annulos vasa spermatica eâ parte quæ suprà constrictionem est excidunt ; ob vasorum vicinorum ejus partis quæ excidit elatorem auctum à constrictione multò inferiori. Nec pereunt tantum arte illà radices tumoris, verum etiam nova alterius Polypi adnascendi occasio aufertur ; dum enim importunâ tumoris mole pituitaria membrana allevatur, æquabilior fit sanguinis & humorum distributio, quemadmodum ferè uterus nixio fatu restituitur. Quibus non sapit ligatio, radiosam fili, nodi, instrumentorum supellectilem, utendique difficultatem culpant ; at suam potiùs imperitiam accusent : cum Polypi ligationem, nonnisi Chirurgus exquisitâ narium anatome imbuto, firmissimâ ac dexterinâ manu prædito, verfatissimoque suscipiendam proponamus. Porò dum promptius nec minùs feliciter avulsione, sectione & consumptione, curationem obtineri assentant ; citius quidem, sectione & avulsione, faciendum ; at si feliciter, illud, benigniori fortè tumoris nature, situique commodiori, non methodorum securitati profectò tribuendum : multò scitius enim res Chirurgus succedit, si altius firmitioribusque radicibus tumor membranae adhærescat ; quis ægrum tunc diris moliminibus cruciatum non commiserescat ? Funesta adde crudelis operationis non desunt, nulla yero prudenter susceptæ ligationis exempla prostant. Exstirpato avulsione, aut sectione Polypo, æger hæmorrhagiam perpeçsus omnibus ut sedaretur irritò adhibitis amissit cum sanguine vitam ; nonnulli carie, ozanâ hemisphericâ, &c. tentati plenam dolore vitam traxerunt ; alius quem nobis contigit observare, cauterio actuali recessus narium perlustrante, sibi cerebrum inuri querulâ miserrabiliter voce exclamavit, & convulsioni succedente lethargo, è numero viventium sublarus est. Tot rationibus ac experimentis adde ligationis antiquitatem. Ab ipso Hippocrate (a) in usu habita ; si enim, inquit, Polypus in naso innascatur, velut quiddam statu distentum ex obliquâ nare intumesceat : eximitur autem laqueo ad os pertractus. Ligationem Galenus, de Vigo, Tacuinus, Gesnerus, commendârunt ; feliciter susceptæ Forestus, Fabricius Hildanus (b) exempla proferunt. Quorum ultimus incipienti Polypo aliquandò ad radicem illius, instrumenti beneficio vinculum inject, feliciter ipsum filo absceidit, adhibitisque per aliquot dies exsiccantibus remediis, ægrum restituit. Instrumenti à se perfecti, quod superius descripsimus ope, Glandorp (c) Polypum extirpavit : sicque hujus methodi præstantia ratio docet, suadet auctoritas, & experientia demonstrat.

(a) Hippoc.
Lib. de Affe-
ctionib.

(b) Fabricii
Hildani Epist.
et. Cent. 1.

(c) Mub.
Glandorp, lib.
de Polypo. p.
40.

Ergò à Ligaturâ Polypi narium tuior Curatio.

DOMINI DOCTORES DISPUTATURI.

M. Joannes - Franciscus Paris.

M. Ludovicus - Gabriel Dupré

M. Ludovicus - Claudius Bourde-
lin, Antiquus Facultatis Deca-
nus, Regie Scientiarum Aca-
demie Socius, & in Horto Re-
gio Chimie Professor.

Dionysius - Claudius Douleer.

M. Antonius Petit, in Matrona-
rum gratiam Anatomæ, & Ar-
tis Obstetriciæ Professor.

M. Michæl-Ludovicus Vernage,
Censor Regius.

M. Bartholomæus - Tossanus de
Clerc, Medicus Regis ordina-
rius.

M. Stephanus Pourfour du Petit.

M. Michæl Peaget.

Proponebat Parisiis CAROLUS - AUGUSTINUS VANDERMONDE,
Macæcrus apud Sinas, Saluberrimæ Facultatis Medicinæ Parisiensis Baccalaureus,
A. R. S. H. 1750, à sextâ ad meridiem.